

Arkiv	Saksbehandlar	Møtedato	Sak nr.
123	Knut Øyjordet	15.03.18	10/18

## **SØKNAD OM OPPGRADERING AV RASTEPLASS PÅ RUSSTANGEN – STATENS VEGVESEN**

### *Saksdokument:*

E-post frå Statskog av 21.02.18 med vedlegg.

### *Saksutgreiing:*

Statskog har sendt over til uttale ein søknad frå Statens vegvesen v/Nasjonale Turistvegar, som ønskjer å oppgradere rasteplassen ved Russtangen. Det er lagt ved ulike skisser over planlagde tiltak. I grove trekk dreier det seg om å gruse opp plassen, støype ein kant/gangbane med rekkverk ut mot elva (Russa), og avgrense eit areal for sitjegrupper, søppelkasser og info.tavle.

### *Vurdering:*

Det er positivt at vegvesenet vil oppgradere ein slik rasteplass, som ligg sentralt til i Sjudalen. Det som absolutt trengst i tillegg er eit toalett, for behovet for dette er stort i området med så stor trafikk. Sist sommar var det svært utrivlege forhold i "buskane" ved mange av dei små rasteplassane i Sjudalen.

Elles må ein stille spørsmål om behovet for ei støypt gangbane ut mot elva. Installasjonar i betong blir fort eit "framandelement" som ikkje fell så godt inn i terrenget. Det må vera meir fornuftig å nytte midlar til eit toalett. Dersom denne rasteplassen ikkje blir stor nok for eit toalett i tillegg, så kan gjerne heile rasteplassen bli fløtt til plassen på andre sida av vegen litt lenger nord på Russtangen, der det også i dag står ei info.tavle om fisking. Denne plassen ligg noko meir ope til, men det er svært god plass her, og er også ein populær stopp-plass for mange vegfarande i dag.

### **Innstilling til vedtak:**

Fjellstyret tykkjer det er positivt at rasteplassen ved Russa på Russtangen er planlagt å bli oppgradert. Det er eit stort behov for offentlege toalett i Sjudalen fordi det er så stor trafikk her om sommaren. Derfor meiner fjellstyret at det også må byggjast eit toalett her. Dersom denne plassen ikkje blir stor nok for å eit toalett i tillegg, så tykkjer fjellstyret at rasteplassen kan bli fløtt til andre sida av fylkesvegen litt lenger nord på Russtangen, der det også i dag står ei info.tavle og som også blir nytta ein del av vegfarande. Elles meiner fjellstyret at det ikkje er nødvendig å byggje ein kant/gangbane i betong ut mot elva.

### **Vedtak:**

Samrøystes: Som innstillinga.

*Rett utskrift. Går til:*  
Statskog

*Kopi til:*  
Vågå kommune

Vågåmo, 15.03.18

Knut Øyjordet (e.f)

---

Adresse	Telefon	Bankgiro	E-post
Postboks 16 2684 VÅGÅ	61 29 37 37	2085.25.13625	vaga@fjellstyrene.no

*Rett utskrift. Går til:*  
Statskog

*Kopi til:*  
Vågå kommune

---

Adresse	Telefon	Bankgiro	E-post
Postboks 16 2684 VÅGÅ	61 29 37 37	2085.25.13625	vaga@fjellstyrene.no